

BAJRAMSKI BILTEN

U OVOM BROJU BILTENA:

Bajramska čestitka

Bajram: **petak 26. oktobar 2012 god.**Bajramsko sijelo: **subota 03. novembar 2012 god.**

Mekteb i škola bosanskog jezika

Kurban Bajram

Halka-druženje džematlija

BAJRAM NAMAZ

Bajram namaz će se klanjati u **petak 26. Oktobra 2012. sa početkom u 8:30 AM** u Armeniskoj sali na adresi **191 Barton Street, Stoney Creek**. Sabah namaz će se klanjati u 7:00 AM.

Molimo Vas da sa sobom ponesete sedžade.

Bilten izdaje: IO BIC Hamilton

Adresa: 202 Barton Str., Stoney Creek
Glavni i odgovorni urednik: Emir Ramić
Uređivački kolegij: svi članovi IO
Tel: 905 662-3678

Bajramska čestitka

Kurban bajram je blagdan žrtve, samilosti i mira. Muslimani širom svijeta prinosе žrtvu – kurban, kako bi se oslobodili od oholosti, sebičnosti i nasilnosti. Kurban je poziv čovjeku da bude spreman na žrtvu za drugog, te da svi ljudi žive u miru i sigurnosti od jezika mržnje i od ruke nasilja. Pravi musliman je onaj od čijeg su jezika i ruku ljudi mirni i sigurni. Stoga, neka nam Bajram krase lijepa riječ i pružena ruka. Najbolja bajramska vrlina je da obnovite prekinute veze sa rodbinom i prijateljima, da darujete i onoga koji te je naljutio, da oprostiš i onome koji ti je nepravdu učinio.

I ovoga Bajrama, u veoma važnom momentu naše zajednice kada gradimo džamiju u mjestu gdje nikada nije bilo džamije, je najvažnije da budemo zajedno, da

jedni drugima oprostimo, da jedni drugima pomognemo, da jedinstveni u našoj islamskoj zajednici dajemo doprinos daljem razvoju našeg džemata na dobrobit svijeta nas, posebno naše djece.

Ovaj Bajram je još jedna prilika da se okorenemo oko sebe i pogledamo u kakvom smo stanju, jer čovjek je čovjeku brat i zato među nama treba da važi bratska ljubav, jer ono što čovjek želi sebi, treba da želi svome bratu. „Vjernik ne čini nepravdu svome bratu i ne ostavlja ga samog u nevolji“ – kaže Alejhisselam. „Vjernici su kao jedno tijelo, ako jedan dio oboli, cijelo tijelo je bolesno“. Neka među nama zavлада povjerenje, poštovanje, solidaranje i neka u cijelom svijetu vlada mir i dobrota.

Neka nam Bajram vrati vjeru i nadu u bolji i sretniji život, neka među nama vlada sloga, neka nam zajedništvo u vjeri i ljubavi povрати samopouzdanje, neka svako radi svoj posao savjesno i odgovorno, neka shvatimo da je tajna uspjeha na ovome svijetu međusobno pomaganje u dobru.

Povodom Kurban Bajrama svim članovima Bošnjačkog islamskog centra Hamilton i svim muslimanima upućujemo iskrene čestitke sa željom da ove najradosnije dane provedu u miru, sreći i blagostanju sa svojom porodicom, prijateljima, komšijama i svim dobronamjernim ljudima.

Bajram Šerif Mubarek Olsun!

Vaš Izvršni i Nadzorni odbor Bošnjačkog islamskog centra Hamilton

BAJRAMSKO SIJELO

U organizaciji Bošnjačkog islamskog centra Hamilton u **subotu 03. 11. 2012 sa početkom u 7 poslije podne u Armenian Community Centre 191 Barton St., Stoney Cree**, održava se tradicionalno Bajramsko sijelo. Uz našu tradicionalnu muziku i dobru hranu pozivamo vas da provedete ugodne trenutke i zajedno sa svojim prijateljima proslavite naš veliki Bajramski praznik. Ulaznica 25 dolara. Djeca do 12 godina besplatno. Svi ste pozvani. Radujemo se vašem odazivu.

KURBAN

Upitan je Poslanik s.a.v.s. za kurban, pa je rekao: "**Kurban je sunnet vašeg oca Ibrahima a.s.**" A šta mi imamo od kurbana Poslaniče? "**Za svaku dlaku od kurbana upisat će vam se jedno dobrohaseneh**" odgovorio je Muhammed a.s.

ZAŠTITITE VAS I VAŠU PORODICU OD RAZNIH ISKUŠENJA I NESREĆA KOJE MOGU U TOKU GODINE DA VAS ZADESE KLANJEM KURBANA! Kurban možete uplatiti u našem mesdžidu.

ČESTITKA

BAJRAMSKA ČESTITKA! Dragi brate i sestro u Islamu, poštovani džematlijo i džematlijo, u petak 26. Oktobra 2012. godine je **Kurban Bajram**, dan kada se muslimani vesele radostima koje samo Bajram donosi.

BAJRAM ŠERIF MUBAREK OLSUN tebi, tvojoj uvaženoj porodici, tvojoj rodbini i svima onima koje ti voliš. Neka Vam je hajjiri i mubarek ovaj **BAJRAM** kao i svi ostali koje dočekate i ispratite.

Ismail ef. Fetić

KURBAN BAJRAM

Ovaj bajram zove se i Hadždži-bajram jer se u njemu obavljaju obredi hadždža.

Prvo bajramsko jutro odlazimo u džamije ili na musalle (određeni prostor za klanjanje bajram-namaza) da klanjamo sabah i bajram-namaz. Onako kako se petkom pripremamo za džumu namaz tako činimo i na bajram. Okupamo se, lijepo obučemo, namirišemo i sa tekbirima i zikrom rano krenemo u džamiju. Kako je to činio Allahov Poslanik i njegovi ashabi vidimo iz sljedećih primjera.

Na Ramazanski bajram Alejhisselam ne bi izlazio iz kuće dok ne bi nešto pojeo, a na Kurban-bajram ne bi ništa jeo dok ne bi kurban zaklao. Kada bi izlazio na bajram-namaz Muhammed, s.a.v.s., išao bi jednim, a vraćao se drugim putem.^{1[34]} Allahov Poslanik vazio je pa je rekao i ovo: "Prvo čime otpočinjemo ovaj naš praznik (Kurban-bajram) je da klanjamo bajram-namaz, a potom se vratimo (kući) i koljemo kurban. Ko tako postupi slijedi našu ustaljenu praksu-sunnet."

Kurban bi trebao zaklati svaki musliman za sebe i svoju porodicu, onaj ko u danima Bajrama ima dovoljno sredstava da može kupiti kurban. Allah, dž.š., kaže: **"Svakoj vjerskoj zajednici propisali smo klanje kurbana da bi spominjali Allahovo ime prilikom klanja stoke koju im On daje..."**

Pitali su ashabi Allahovog Poslanika: Zašto koljemo kurbane? On im na to reče: To je sunnet-praksa vašeg oca Ibrahima, a.s. Zatim su ga upitali: Pa šta mi imamo od tog? Na to Alejhisselam reče: Za svaku dlaku (zaklanog kurbana) bićete nagrađeni.

Muhammed, a.s., je također rekao: "Ne uradi čovjek vredniji i Allahu draži posao na Kurban-bajram od klanja kurbana."

Kurban je izraz našeg islama. Ovaj čin opskrbljuje srce i dušu najboljom opskrbom, bogobojaznošću, a naše tijelo štiti od belaja. Izvršavajući ovaj vjerski propis i prinoseći kurban kao žrtvu, iskazujemo svoju odlučnost i spremnost da se, u ime Boga, požrtvovano i samoprijegorno borimo na putu dobra, istine i pravde.

Obaveza svakog muslimana je da obrati pažnju na način obavljanja bajram-namaza, kako bi bio u mogućnosti da ga propisno obavli i da prisustvuje hutbi kako bi se okoristio o nju. Ovaj Bajram je praznik zahvalnosti Allahu, dž.š., i dužnost nam je uzeti pouku iz njegovih propisa i učiniti u njemu što više dobročinstva. Pojam praznik ne smijemo shvatiti onako kako to shvataju nemuslimani, pa učiniti taj dan danom razuzdanosti, nezahvalnosti ili sezonom neposlušnosti i širenja harama, kao što je muzika, opijanje i sl., što svakako može biti uzrokom propasti naših dobrih djela učinjenih u ovim danima Hadž i kurban kao posebni znaci ovog bajrama, predstavljaju važne duhovne resurse za obnavljanje naše snage koja nam je potrebna u našem sučeljavanju sa izazovima i kušnjama naše složene životne stvarnosti. Bajram nas upućuje na veliku i izdašnu međusobnu solidarnost. Okrenimo se onima prema kojima dug u vjeri imamo i koji su potrebni naše pažnje. Bajramsku radost podijelimo sa svim dobrim i plemenitim ljudima.

Zamolimo Svemogućeg Boga i prikupimo novu odlučnost da ispravimo nepravdu i umanjimo nevolje i boli koje su našoj braći i sestrama nanešeni. Potrebno nam je čvršće istrajavanje, zajedničkim djelom, na našem putu.

Prema Kur'anu, posljednjem Allahovom testamentu, ljudski koraci na licu Zemlje nisu zaludu, ljudska djela nisu bez odgovornosti i više svrhe. Neka nas ne napušta nada u Allahovu milost i pomoć kao što nije bez nada ostao Muhammed, a.s., kome je njegov Gospodar objavio:

U ime Allaha, Svemilosnog, Samilosnog!
«Zar ti Mi nismo grudi tvoje prostranim učinili, i breme tvoje s tebe skinuli, koje je pleća tvoja pritislo, i spomen tvoj podigli visoko! Zbilja, s mukom je i last, zbilja, s mukom je i last! A kad završiš molitvi se predaj i samo se Gospodaru svome obraćaj!»

Molim Dragog Boga da ovaj bajram bude iskorištena prilika za naše duhovno zrijevanje i obnovu islamskog kodeksa življenja i ponašanja. Amin

Halka-druženje džematlija

Želimo vas obavijestiti, da je halka-naše redovno druženje svake druge subote između akšama i jacie. Radujemo se vašem dolasku.

Prenosi se od Muavije r.a. da je Muhammed, s.a.v.s., jednom prilikom zatekao grupu ashaba koji su bili okupljeni u halki pa ih je upitao: "Što ste se okupili?" – Okupili smo se da spominjemo Allaha i da Mu zahvaljujemo na blagodatima upute, islamu i imanu-' odgovoriše. Alejhisselam reče: "Sada mi dođe Džibril, alejhisselam, i reče mi da se Allah Uzvišeni s vama ponosi pred melekima." U drugom predanju navodi se od Ebu Hurejre, r.a., da je Muhammed, s.a.v.s., rekao: 'Skupovima na kojima se Allah spominje, a najvredniji su oni na kojima se Kur'an uči, spušta se smirenost, prisustvuju im meleki, obaspe ih rahmet i Allah ih spomene na svome prijestolju (aršu).'

Upišite svoju djecu u mekteb i školu bosanskog jezika

Savremena porodica nema sve one potencijale koji su potrebni da bi se djetetu pružio adekvatan nivo islamskih, nacionalnih i patriotskih odgojno obrazovnih sadržaja. Nesumnjivo je da roditelji svom potomstvu žele ono što je najbolje. Međutim lijepe želje moraju biti praćene i znanjem o onome što je najbolje. U prilici smo skoro svakodnevno svjedočiti da je nerijetko prisutan evidentan raskorak između roditeljske želje i roditeljskog znanja onoga što bi bilo najbolje za njihove potomke. Mekteb i škola bosanskog jezika su bili i ostat će ogledalo naše zajednice ali i svijesti i našeg odnosa naspram naše vjere, nacije, države, historije, tradicije i kulture.

Upišite svoju djecu u mekteb i školu bosanskog jezika i tako ih spasite od mogućeg lutanja. Odbor Bošnjackog islamskog centra Hamilton obavještava sve članove naše zajednice koji imaju djecu staru od 7 do 18 godina da su mekteb i škola već startovali. Svake nedelje od 11:30 do 1:45 u našoj džamiji.